



PL
2464

B77

1756





蘇雨堂藏


韓氏周易

韓氏周易

乾隆丙子鐫

鄭氏周易

雅雨堂藏板



鄭氏周易序

鄭氏之學立於學官自漢魏六朝數百年來無異議者
唐貞觀中孔穎達撰五經正義易用王輔嗣書用孔子
國而二經之鄭義遂亡今傳者惟三禮毛詩而已然北
宋時鄭易猶存文言說卦序卦雜卦四篇載於崇文總
目故朱漢上震晁嵩山說之俱引其說至南宋而四篇
亦佚於是浚儀王厚齋應麟始裒羣籍爲鄭氏易一卷
前明胡孝轅震亨刊其書附李氏易傳之後往余讀五
經正義所采鄭易間及爻辰初未知爻辰爲何物及考
鄭注周禮太師與韋宏嗣昭注周語乃律家合辰樂家

合聲之法蓋乾坤十二爻左右相錯乾鑿度所云間時而治六辰故謂之爻辰也漢儒說易並有家法其不苟作如此第厚齋所集尚有遺漏吾友元和惠子定宇世通古義重加增輯并益以漢上嵩山之說釐爲三卷今依孝轅之例仍附於李傳之後用廣其傳於世余學易有年每講求漢儒遺書以求印正雖斷簡殘編未敢有所忽略此書之傳雖不及三禮毛詩之完具然漢學易義無多存此以備一家好古之士或有考於斯

乾隆丙子德州盧見曾撰

易贊


鄭氏

易之爲名也一言而函三義簡易一也變易二也不易
三也故繫辭云乾坤其易之緼耶又曰易之門戶耶又
曰夫乾確然示人易矣夫坤隤然示人簡矣易則易知
簡則易從此言其易簡之法則也又曰其爲道也婁遷
變動不居周流六虛上下无常剛柔相易不可爲典要
唯變所適此言從一作順時變易出入移動者也又曰天
尊地卑乾坤定矣卑高以陳貴賤位矣動靜有常剛柔
斷矣此言張設布列不易者也據茲三義而說易之道

廣矣大矣

鄭氏周易爻辰圖

二十月爻辰圖



周易乾鑿度曰乾陽也坤陰也並如而交錯行乾貞於

十一月子左行陽時六

鄭注云貞正也初爻以此為坤正次爻左右者各從次數之

貞於六月未

乾坤陰陽之主陰退一辰故貞於未

右行陰時六以順成其

歲歲終從於屯蒙

歲終則從其次屯蒙需訟是也

又云陰卦與陽卦同

位者退一辰以未為貞其爻右行間時而治六辰

陰陽同位

陰退一辰左右交錯相避

棟案乾鑿度之說與十二律相生圖合鄭

于周禮太師注云黃鍾初九也下生林鍾之初六林鍾

又上生太簇之九二太簇又下生南呂之六二南呂又

上生姑洗之九三姑洗又下生應鍾之六三應鍾又上

生蕤賓之九四蕤賓又上生大呂之六四大呂又下生

夷則之九五夷則又上生夾鍾之六五夾鍾又下生無射之上九無射又上生中呂之上六韋昭注周語云十一月黃鍾乾初九也十二月大呂坤六四也正月太族乾九二也二月夾鍾坤六五也三月姑洗乾九三也四月中呂坤上六也五月蕤賓乾九四也六月林鍾坤初六也七月夷則乾九五也八月南呂坤六二也九月無射乾上九也十月應鍾坤六三也鄭氏注易陸績注太元皆同前說是以何妥文言注以初九當十一月九二當正月九三當三月九四當五月九五當七月上九當九月也宋朱震作十二律圖六二在巳六三在卯六五

在亥上六在酉是坤貞于未而左行誤甚作圖以正之

圖宿八十二值所辰爻



右圖朱子發云子寅辰午申戌陽也乾之六位未巳卯

丑亥酉

此亦誤當云未酉亥丑卯已所謂右行陰時六也

陰也坤之六位位之

升降不違其時故曰大明終始六位時成棟案康成注

月令云正月宿直尾箕八月宿直昴畢六月宿直鬼

又云

六月宿直東井

九月宿直奎十月宿直營室又云卯宿直房心

二月申宿直參伐

七月

又注季冬云此月之中日歷虛危參

同契曰青龍處房六兮春花震東卯白虎在昴七兮秋

芒兌西酉朱雀在張二兮離南午又云含元虛危播精

於子皆與圖合若以日所歷言之則右行而周二十八

舍明堂月令所謂孟春之月日在營室是也與此不同

鄭氏周易卷上

浚儀王應麟撰集

東吳惠棟增補

周易上經

乾

九二見龍在田利見大人

二于三才為地道地上即田故稱田也集解九二利見

九五之大人正義

九三君子終日乾乾夕惕若厲无咎

三于三才為人道有乾德而在人道君子之象集解惕

懼也

釋文

九五飛龍在天利見大人

五于三才為天道天者清明无形而龍在焉飛之象

集解

上九亢龍有悔

堯之末年四凶在朝是以有悔未大凶也

正義

用九見羣龍無首吉

六爻皆體乾

一作龍

羣龍之象也舜既受道

道一作禪

禹與

稷契咎繇之屬並在于朝

後漢郎顗傳注班固傳注

萬物資始乃統天

資取也統本也釋文

大人造也造徂早反

造爲也釋文

文言傳附

君子體仁足以長人

體生也文選二十四

不成名釋文

當隱之時以從世俗不自殊異無所成名也集解

確乎其不可拔

確堅高之貌拔移也釋文

閑邪以存其誠

會通晁氏云

君子進德脩業及時故无咎

同上

聖人作

作起也

釋文

亢龍有悔窮志災也

同上

利貞者情性也

漢上易晁氏同

乾始而以美利利天下

晁氏云

坤

履霜堅冰至

履讀為禮

釋文

馴致其道

馴從也

釋文

六二直方

直也方也地之性此爻得中氣而在地上自然之性

廣生萬物故生動直而且方

禮記深衣正義

龍戰于野

聖人喻龍君子喻蛇

儀禮注蛇龍君子之類

必有餘殃

殃禍惡也

釋文

為其慊于陽也

釋文謂鄭作謙訛

故稱龍焉

慊讀如羣公濂之濂古書篆作立心與水相近讀者失之故作慊濂雜也陰謂此上六也陽謂今消息用事乾也上六爲蛇得乾氣雜似龍

詩采薇正義

屯

天造草昧宜建侯而不寧

造成也草草創昧昧爽也

文選注三十六

而讀曰能能猶安

也

釋文

君子以經綸

謂論撰書禮樂施政事

釋文正義曰劉表鄭元以綸爲論字

六二乘馬般如

馬牝牡曰乘釋文

匪寇昏藉

藉猶會也釋文

君子機不如舍

機弩牙也釋文

以從禽也從于用反釋文

蒙

蒙亨匪我求童蒙童蒙求我初筮告再三瀆瀆則不告

蒙者蒙蒙物初生形是其未開著之名也人幼稚曰

童未冠之稱亨者陽也瀆褻也筮問也乎體震而得

中嘉會禮通陽自動其中德施地道之上萬物應之而萌牙生教授之師取象焉脩道藝于其室而童蒙者求爲之弟子非已乎求之也弟子初問則告之以事義不思其三隅相況以反解而筮者此勤師而功寡學者之災也瀆筮則不復告欲令思而得之亦所

以利義而幹事也

公羊疏釋文

初爻用說桎梏

木在足曰桎在手曰梏

周禮大司寇疏

九二苞蒙

苞當作彪彪文也

釋文

順以巽也

巽當作遜釋文

上九繫蒙釋文

需

需讀為秀陽氣秀而不直前者畏上坎也釋文

光亨貞吉釋文云鄭摠為一句

位音乎天位釋文

君子以飲食宴樂

宴享宴也釋文

九二需于沚釋文

泌接水者

詩鳧鷖正義
引作沙

致戎至

文釋

訟

辯財曰訟

文釋

有孚啗

啗覺悔貌

文釋

九二歸而逋其邑人三百户无眚

小國之下大夫采地方一成其定稅三百家故三百

户也

雜記正義

不易之田歲種之一易之田休一歲乃種

再易之地休二歲乃種言至薄也苟自藏隱不敢與

五相敵則无災眚正義眚過也釋文

患至惛也惛陟劣反

惛憂也釋文

渝安貞吉

渝然也釋文

上九或錫之鞶帶

鞶帶佩鞶之帶周禮巾車疏

終朝三褫之褫徒可反釋文

師

軍二千五百人為師多以軍為名次以師為名少以

旅爲名師者舉中之言

王氏

丈人吉

丈之言長能御衆有正人之德以法度爲人之長吉

而无咎謂天子諸侯主軍者

春官天府疏釋文

初六否臧凶

否方有反釋文

九二王三賜命

釋文

承天寵也

寵光耀也

釋文

比

初六有孚盈缶

又辰在未上值東井井之水人所汲用缶汲器也

詩宛邱正義 釋文

九五王用三毆失前禽

釋文

王因天下顯習兵于蒐狩焉驅禽而射之三則已法

一作發軍禮也失前禽者謂禽在前來者不逆而射之

傍去又不射唯背走者順而射之不中則一作亦已是

皆所以失之用兵之法亦如之降者不殺奔者不禁

背者不殺加以仁恩養威之道秋官士師疏 左傳 桓四年正義

小畜許反 釋文

畜養也釋文

九三輿說輻

輻伏菟

文釋

謂輿下縛木與軸相連鈎心之木是也

王氏

履

履虎尾不噬人亨

噬齧也

音誓
文選十

視履考詳

履道之終考正詳備

鬼氏

泰

通也

文釋

后以財成天地之道輔相天地之宜以左右民

財節也輔相左右助也以者取其順陰陽之節爲出
內之政春崇寬仁夏以長養秋教收斂冬勅蓋藏皆
可以成物助民也

集解

初九拔茅

音苗

茹以其彙征

彙音謂

彙類也茹牽引也茅喻君有絜白之德臣下引其類

而仕之

劉向傳注

九二苞荒

荒讀爲康虛也

釋文

六五帝乙歸妹以祉元吉

五爻辰在卯春爲陽中萬物以生生育者嫁娶之貴

仲春之月嫁娶男女之禮福祿大吉

周禮媒氏疏

上六城復于隍

隍壑也

詩韓奕正義

否

九四曷離祉

釋文

九五休否

休美也

文選二十五

其亡其亡繫于苞桑

苞植也否世之人不知聖人有命咸曰其將亡矣其

將亡矣而聖乃自繫于植桑不亡也

文選五十二

猶紂囚

文王於羑里之獄四臣獻珍異之物而終免于難繫

于苞桑之謂

集解

同人

同人于野亨

乾爲天離爲火卦體有巽巽爲風天在上火炎上而從之是其性同于天也火得風然後炎上益熾是猶人君在上施政教使天下之人和同而事之以是爲人和同者君之所爲也故謂之同人風行无所不徧徧則會通之德大行故曰同人于野亨

集解

六二同人于宗

天子諸侯后夫人無子不出

儀禮士昏禮疏
詩河廣正義

九三伏戎于莽

莽叢木也

釋文

九四乘其庸

釋文

大有

大有元亨

六五體离處乾之上猶大臣有聖明之德代君為政

處其位有其事而理之也元亨者又能長羣臣以善

使嘉會禮通若周公攝政朝諸侯于明堂是也

集解

明辯避也

遯讀如明星哲哲

釋文

嗛

嗛亨君子有終

艮爲山坤爲地山體高今在地下其於人道高能下
下嗛之象亨者嘉會之禮以嗛爲主嗛者自貶損以
下人唯艮之堅固坤之厚順乃能終之故君子之人

有終也

集解

君子以撝多益寡

撝取也

釋文

卑以自牧也

牧養也

釋文 文 選注十六

六四撝謙

撝讀爲宣

釋文

豫

豫利建侯行師

坤順也震動也順其性而動者莫不得其所故謂之

豫豫喜佚說樂之貌也震又爲雷諸侯之象坤又爲

衆師役之象故利建侯行師矣

集解

四時不忒

忒差也

釋文

象曰雷出地奮豫先王以作樂崇德殷薦之上帝以配祖考

奮動也雷動於地上萬物乃豫也以者取其喜佚動
搖猶人至樂則手欲鼓之足欲舞之也崇充也殷盛
也薦進也上帝天帝也王者功成作樂以文得之者
作籥舞以武得之者作萬舞各充其德而爲制祀天
地以配祖考者使與天同饗其功也故孝經云郊祀
后稷以配天宗祀文王於明堂以配上帝是也

集解

六二劓于石

劓古入切謂磨也釋文

六三盱豫

盱誇也

文釋

九四由豫大有得勿疑朋盍簪

由用也簪速也

文釋

上六冥豫

冥讀爲鳴

文釋

隨

隨元亨利貞无咎

震動也兌說也內動之爲德外說之以言則天下之

民咸慕其行而隨從之故謂之隨也既見隨從能長

之以善通其嘉禮和之以義幹之以正則功成而有

禍若无此四德則有凶咎焉焦貢曰漢高帝與項籍

其明微也

集解 左傳 襄九年正義

君子以嚮晦入宴息

晦宴也猶人君既夕之後入於宴寢而止息

王義

出門交有功

震為大塗又為日門當春分陰陽之所交也是臣出

君門與四方賢人交有成功之象也昔舜慎徽五典

五典克從內于百揆百揆時序賓于四門四門穆穆

是其義也

集解

蠱

先甲三日後甲三日

甲者造作新令之日先之三日而用辛也欲取改過
自新之義後之三日而用丁也取其丁寧之義

正義

臨

至于八月有凶

臨大也陽氣自此浸而長大陽浸長矣而有四德齊
功於乾盛之極也人之情盛則奢淫奢淫將亡故戒
以凶也臨卦斗建丑而用事殷之正月也當文王之
時紂爲无道故于是卦爲殷家著興衰之戒以見周
改殷正之數云臨自周二月用事訖其七月至八月

而遂卦受之此終而復始王命然矣

集解

觀

觀盥而不薦

坤為地為衆巽為木為風九五天子之爻牙體有艮
艮為鬼門又為宮闕地上有木而為鬼門宮闕者天

子宗廟之象也

集解

諸侯貢士於天子卿大夫貢士於

其君必以禮賓之唯主人盥而獻賓賓盥而酢主人

設薦俎則弟子也

王氏

初六童觀

童稚也

釋文

噬嗑

先主以明罰勑法

勑猶理也

釋文

九四噬乾肺

肺簣

釋文

上九何校滅耳凶

离為槁木坎為耳木在耳上何校滅耳之象也

集解

聰不明也

目不明耳不聰

釋文

賁

賁亨小利有攸往

賁文飾也離爲日天文也艮爲石地文也天文在下

地文在上天地二文相飾成賁者也

一云天地之文交相而成賁賁

然也猶人君以剛柔仁義之道飾成其德也剛柔雜仁

義合然後嘉會禮通故亨也卦乎體坎艮艮止于上

坎險止于下夾震在中故不利大行小有所之則可

矣

詩白駒正義集解

賁變也文飾之貌

釋文

无敢折獄

折斷也

釋文

初九賁其趾舍輿而徒

釋文

趾足

同上

義不乘也

晁氏

六四賁如燔如

燔音煩
釋文

六四巽爻也有應於初九欲自飾以適初既進退未

定故燔如也

檀弓正義

白馬翰如

翰寒案反
釋文

謂九三位在辰得巽氣為白馬翰猶幹也見六四適

初未定欲幹而有之

檀弓正義

剝

不利有攸往小人長也

陰氣侵陽上至于五萬物霑落故謂之剥也五陰一

陽小人極盛君子不可有所之故不利有攸往也

集解

蔑貞凶

蔑輕慢

文釋

剥牀以辨

足下稱辨謂近膝之下屈則相近信則相遠故謂之

辨辨分也

集解

切近災也

切急也

文釋

小人剥廬

小人傲很當剥徹廬舍而去

天官遺人疏

復

復亨

復反也還也陰氣侵陽陽失其位至此始還反起于

初故謂之復陽君象君失國而還反道德更興也

春秋

正義

七日來復

建戌之月以陽氣既盡建亥之月純陰用事至建子

之月陽氣始生隔此純陰一卦卦主六日七分舉其

成數言之而云七日來復

正義序

商旅不行

資貨而行曰商旅客也

釋文

无祇悔

祇病也

釋文

六三輦復

釋文

六四中行獨復

爻處五陰之中度中而行四獨應初

漢上易傳

中以自考也

考成也

釋文

有裁青

釋文

異自内生曰青自外曰祥害物曰災

釋文

无妄

妄猶望謂无所希望也

釋文

无妄之往何之矣

妄之言望人所望宜正行必有所望行而無所望是

失其正何可往也

後漢書李通傳注

天命不右

右助也

釋文

不畱畬

一歲曰蓄二歲曰新田三歲曰畬王氏

大畜

不家食吉

自九三至上九有頤象居外是不家食吉而養賢表記

正義正

輝光日新絕句其德剛上而尚賢連下句釋文

良馬逐逐

逐兩馬走也釋文

曰閑輿衛曰人實反

日習車徒釋文

六四童牛之牯元吉

晁氏謂牯鄭作角非也

巽爲木牙體震震爲牛之足足在艮體之中艮爲手

持木以就足是施牯

大司寇疏

六五豮豕之牙

牙讀爲牙

釋文

上九何天之衢

艮爲手手上肩也乾爲首首肩之間荷物處乾爲天

艮爲徑路天衢象也

後漢崔駰傳注

道大行也

人君在上位負荷天之大道

文選十一

頤

頤貞吉觀頤自求口實

頤口車輔之名也震動于下艮止于上口車動而上
因輔嚼物以養人故謂之頤頤養也能行養則其幹
事故吉矣二五離爻皆得中離爲目觀象也觀頤觀
其養賢與不肖也頤中有物曰口實自二至五有二
坤坤載養物而人所食之物皆存焉觀其求可食之
物則貪廉之情可別也

集解

觀我朵頤

朵動也

釋文

大有慶也

君以得人為慶

漢上易傳

大過

陽爻過也

漢上易傳

九二枯楊生萑老夫得其女妻

枯

音姑

謂无姑山榆

羊朱反

萑木更生

音夷

謂山榆之實

釋文

以丈夫過娶二十之女老婦年過嫁三十之男皆得

其子

詩桃夭正義

習坎

六三檢且枕

木在手曰檢在首曰枕

釋文

六四尊酒簋貳用缶內約自牖

六四上承九五又禾體在震上爻辰在丑丑上值斗

可以斟之象斗上有建星建星之形似簋貳副也建

星上有弁星弁星之形又如岳天子大臣以王命出

會諸侯主國尊于簋副設玄酒而用缶也

詩宛邱正義禮器

正義

九五祗既平

祗當爲坻小丘也

釋文

上六繫用徽纆寘于叢棘三歲不得凶

繫拘也。爻辰在巳，巳爲蛇，蛇之蟠屈似徽纆也。三五
乎體艮，又與震同體，艮爲門闕，于木爲多節，震之所
爲有叢拘之類，門闕之內有叢木多節之木，是天子
外朝左右九棘之象也。外朝者，所以詢事之處也。左
嘉石，平罷民焉；右肺石，達窮民焉。罷民，邪惡之民也。
上六乘陽有邪惡之罪，故縛以一作約徽纆，置于叢棘
而使一作後公卿以下議之，其害人者，置之圜土而施
職事焉，以明刑恥之。能復者，上罪三年而赦；中罪二
年而赦；下罪一年而赦。不得者，不自思以得正道終
不自改而出諸圜土者，殺。故曰凶。公羊疏

離

明兩作離大人以繼明照于四方

作起也

釋文

明兩者取君明上下以明德相承其於天

下之事無不見也

文選注二十一

六二黃離元吉

離南方之卦離為火土託位焉土色黃火之子喻子

有明德能附麗於其父之道文王之

一作

子發旦

無

此字

是也慎戒其業則吉矣

文選注二十一覽一百四十六

御

初九履錯然

錯七各反

釋文

九三不擊缶而歌

釋文

艮爻也位近丑丑上值弁星弁星似缶詩云坎其擊

缶則樂器亦有缶詩宛邱正義

則大耋之差釋文云鄭無凶字

年踰一作七十也詩車鄰正義禮記射義正義爾雅疏

麗王公也釋文

九四吝如其來如焚如死如棄如

震為長子爻失正又乎體兌兌為附決子居明法之

家而無正何以自斷其君父不志也吝如震之失正

不知其所如又為巽巽為進退不知所從不孝之罪

五刑莫大焉得用議貴之辟刑之若如所犯之罪焚

如殺其親之刑死如殺人之刑棄如流宥之刑秋官掌戮

鄭氏周易卷上

鄭氏周易

卷上

三

雅雨堂

真月集

卷一

三

鄭氏周易卷中

浚儀王應麟撰集

東吳惠棟增補

周易下經

咸

咸亨利貞取女吉

咸感也艮爲山兌爲澤山氣下澤氣上二氣通而相應以生萬物故曰咸也其於人也嘉會禮通和順於義幹事能正三十之男有此三德以下二十之女正而相親說娶之則吉也

集解

二氣感應以相與

與猶親也

釋文

初六咸其拇

足大指也

釋文

六五咸其腓

腓腸也

腓市鬻反
釋文

九五咸其脢

脢背脊肉也

釋文
正義

媵口說也

媵送也

釋文

咸道極薄徒送口舌言語相感而已不復

有志于其間

正義

恒

恒亨无咎利貞

恒久也巽爲風震爲雷雷風相須而養物猶長女承長男夫婦同心而成家久長之道也夫婦以嘉會禮通故无咎其能和順幹事所行而善矣

集解

初六浚恒

文釋

九三不恒其德咸承之羞

文釋

爻得正乎體爲乾乾有剛健之德體在巽巽爲進退不恒其德之象又乎體兌兌爲毀折是將有羞辱也

緇衣正義

六五恒其德貞婦人吉夫子凶

以陰爻而處尊位是天子之女又承體兌兌為和說至尊主家之主以和說幹家事問正於人故為吉也應在九二又男子之象體在巽巽為進退是無所定而婦言是從故云夫子凶也

緇衣正義

上六振恒

振搖落也

釋文

遂

遂亨小利貞

遂逃去之名也艮爲門闕乾有健德乎體有巽巽爲
進退君子出門行有進退逃去之象二五得位而有
應是用正道得禮見召聘始仕他國當尚嗛嗛小其
和順之道居小官幹小事其進以漸則遠妬忌之害
昔陳敬仲奔齊辭卿是也

集解

有疾憊也

憊困也

釋文

小人否

備鄙反

否塞也

釋文

大壯

壯氣力浸強之名釋文

九三累其角釋文

六五喪羊于易音亦

謂佼易也釋文

不祥也釋文

祥善也同上

晉

晉康侯用錫馬蕃庶

康尊也廣也釋文蕃發表反庶止奢反謂蕃遮禽也同上

書曰三接音捷

接勝也

王氏

象曰明出地上晉君子以自照明德

地雖生萬物日出於上其功乃著故君子法之而以

明自照其德

集解

初六晉如摧如

摧讀如南山崔崔之崔

釋文

六二晉如愁如

愁子小反

愁變色貌

釋文

九四晉如鼫鼠

詩云鼫鼠鼫鼠无食我黍謂大鼠也

正義

六五矢得勿恤

釋文

明夷

明夷利艱貞

夷傷也日出地上其明乃光至其入地明則傷矣故

謂之明夷日之明傷猶聖人君子有明德而遭亂世

抑在下位則宜自艱无幹事政以避小人之害

集解

文王似之

釋文

以蒙大難

蒙猶遭也

釋文

箕子似之

釋文

六二明夷睇于左股

釋文

旁視為睇六二辰在酉酉在

一作是

西方又下體离离

為目九三體在震震東方九三又在辰辰得巽氣為

股此謂六二有明德欲承九三故云睇于左股

內則正義

用拯馬

拯承也

釋文

家人

閑有家

閑習也

釋文

六二無攸遂在中饋

二爲陰爻得正于內五陽爻也得正于外猶婦人自修正于內丈夫修正于外無攸遂言婦人無敢自遂也爻體離又牙體坎火位在下水在上飪之象也饋

酒食也故云在中饋也

後漢書楊震傳注王符傳注

家人嗃嗃

嗃嗃苦熱之意

釋文

婦子嘻嘻

嘻嘻驕佚喜笑之意

釋文

王假有廟

假登也

釋文

睽

音圭
釋文

睽小事吉

睽乖也火欲上澤欲下猶人同居而志異也故謂之

睽二五相應君陰臣陽君而應臣故小事吉

集解

六三其牛掣

牛角皆踊曰掣

釋文

後說之壺

釋文

蹇

往得中也

中和也

釋文

初六宜待時也

釋文

六四往蹇來連

連如字

連遲久之悲

釋文

解

天地解而雷雨作雷雨作而百果草木皆甲宅

木實曰果解讀如人倦之解解謂拆噤

噤火亞反

皮曰甲

根曰宅宅居也

文選蜀都賦注

損

艮為山兌為澤牙體坤坤為地山在地上澤在地下澤以自損增山之高也猶諸侯損其國之富以貢獻

于天子故謂之損矣

集解

二簋可用亨

四以簋進黍稷于神也初與二直其四與五承上故

用二簋四巽爻也巽為木五離爻也離為日日體圜

木器而圜簋象也

考工記旒人疏
食禮疏

詩權輿正義
少牢饋

或益之十朋之龜

案爾雅云十朋之龜者一曰神龜二曰靈龜三曰攝

龜四曰寶龜五曰文龜六曰筮龜七曰山龜八曰澤

龜九曰水龜十曰火龜

禮器正義
正義

君子以徵忿憤欲

徵猶清也憤止也

釋文

益

益利有攸往利涉大川

陰陽之義陽稱為君陰稱為臣今震一陽二陰臣多於君矣而四體巽之不應初是天子損其所有以下諸侯也人君之道以益下為德故謂之益也震為雷巽為風雷動風行二者相成猶人君出教令臣奉行之故利有攸往利涉大川也

集解

史

史揚于王庭

史決也陽氣浸長至于五五尊位也而陰先之是猶
聖人積德說天下以漸消去小人至於受命為天子
故謂之史揚越也五乎體乾乾為君又居尊位王庭
之象也陰爻越其上小人乘君子罪惡上聞于聖人
之朝故曰史揚于王庭也

集解

九二惕號

音號
釋文

莫夜

莫如字
同上

莫无也无夜非一夜

釋文

九二壯于頄

頄夾面也

釋文

九五覓陸

覓陸一名商陸

釋文正義

其行赳赳

赳七私反赳七餘反釋文

邁

釋文

邁女壯勿用取女

邁遇也一陰承五陽一女當五男苟相遇耳非禮之

正故謂之邁女壯如是壯健似淫故不可娶婦人以

婉婉為其德也

集解

后以施命誥四方

誥起一反

誥止也

釋文

以杞包瓜

包百交反

杞柳也

文釋

萃

萃王假有廟

文釋

利見大人亨利貞用大牲吉利有攸往

萃聚也坤為順兌為說臣下以順道承事其君說德

居上待之上下相應有事而和通故曰萃亨也

案釋文亨

字疑

假至也平有艮巽巽為木艮為闕木在闕上宮

室之象也四本震爻震為長子五本坎爻坎為隱伏

居尊而隱伏鬼神之象長子入闕升堂祭祖禰之禮

也故曰王假有廟二本離爻也離為目居正應五故

利見大人矣大牲牛也言大人有嘉會時可幹事必

殺牛而盟既盟則可以往故曰利往集解

君子以除戎器

除去也

文釋

一握爲笑

握當讀爲夫三爲屋之屋

文釋

孚乃利用禴

禴夏祭名

文釋

齋咨涕洟

文釋

齋咨嗟歎之辭也自目曰涕自鼻曰洟

文釋

昇

文釋

昇上也坤地罪木生地中日長而上猶聖人在諸侯之中明德日益高大也故謂之昇昇進益之象也

集解

六四王用亨于岐山

亨許兩反

亨獻也

釋文

困

困亨

坎爲月平體離離爲日兌爲暗昧日所入也今上弇

日月之明猶君子處亂代爲小人所不容故謂之困

也君子雖困居儉能說是以通而无咎也

集解

九二困于酒食朱黻方來利用亨祀

二據初辰在未未爲土此二爲大夫有地之象未上
值天厨酒食象困于酒食者采地薄不足已用也二
與日爲體離爲鎮霍爻四爲諸侯有明德受命當王
者離爲火火色赤四爻辰在午時離氣赤爲朱是也

文王將王天子制用朱黻

士冠禮疏

朱深曰赤

王氏

九五劓劓

劓劓當爲倪仇

釋文

井

坎水也巽木桔槔也牙體離兌離外堅中虛也兌爲

暗澤泉口也言桔槔引瓶下入泉口汲水而出井之

象也井以汲人水无空竭猶君子以政教養天下惠

澤无窮也集解井法也釋文

汔至亦未繙井

繙綆也釋文

羸其瓶

羸讀曰纍釋文

九二井谷射鮒甕敝漏釋文

九二坎爻也坎爲水上直巽九三艮爻也艮爲山山

下有井必因谷水所生魚無大魚但多鮒魚耳言微

小也夫感動天地此魚之至大射鮒井谷此魚之至

小故以相況

文選吳都賦注

甕停水器也

文釋

井渫不食

謂已浚渫也猶臣修正其身以事君也

文選登樓賦注

革

革改也水火相息而更用事猶王者受命改正朔易

服色故謂之革

集解釋文

鼎

鼎象也卦有木火之用乎體乾兌乾爲金兌爲澤澤鍾金而含水爨以木火鼎亨孰物之象鼎亨孰以養

人猶聖君興仁義之道以教天下也故謂之鼎矣

集解

君子以正位凝命

凝成也

釋文

初六鼎顛趾利出否得妾以其子无咎

顛踣也趾足也無事曰趾陳設曰足爻體巽爲股初爻在股之下足象也足所以承正鼎也初陰爻而柔與乾同體以否正承乾乾爲君以喻君夫人人事君若失正禮踣其爲足之道情無怨則當以和義出之然如否者嫁于天子雖失禮无出道廢遠之而已若其无子不廢遠之后尊如故其犯六出則廢之遠之子

廢坤爲順又爲子母牛今在后妃之旁側妾之例也

有順德子必賢賢而立以爲世子又何咎也

士昏禮疏內

則正義御覽一百四十五

我仇有疾

怨耦曰仇

釋文

雉膏不食

雉膏食之美者

釋文

九四鼎折足覆公餗其刑剝

音屋釋文

糝謂之餗震爲竹竹萌曰筍筍者餗之爲菜也餗美

饌是一作具八珍之食鼎三足三公象若三公傾覆王

之美道屋中刑之

天官醢人疏 秋官司烜氏疏 詩韓奕正義

六五金鉉

金鉉喻明道能舉君之官職也

文選西征賦注 唐律義疏

震

震亨

震爲雷雷動物之氣也雷之發聲猶人君出政教以動國中之人也故謂之震人君有善聲教則嘉會之

禮通矣

集解 詩 召南正義

震驚百里不喪匕鬯

驚之言驚戒也雷發聲聞于百里古者諸侯之象諸

侯之出教令能驚戒其國疆之內詩召南正義則守其宗

廟社稷為之祭主不亡其匕與鬯也人君於祭之禮

尚一作牲體薦鬯而已其餘不親為也一云其餘不足觀也特牲饋

食禮升牢於俎君匕之臣載之鬯秬酒芬芳條鬯因

名焉集解

笑言啞啞

樂也釋文

震來虩虩

恐懼貌釋文

億喪貝

十萬曰億

於力反
釋文

六三震蘇蘇

蘇蘇不安也

釋文

上六震索索視矍矍

索索猶縮縮足不正也矍矍目不正

釋文

艮

艮其背

艮爲山山立峙各於其所无相順之時猶君在上臣

在下恩敬不相與通故謂之艮也

集解

艮之言很也

釋文

九三艮其限列其夤

釋文

限要也

釋文

漸

初六鴻漸于干

干謂大水之旁故停水處者

詩伐檀正義

斯

夫征不復婦孕不育

九三上與九五乎體為離離為大腹孕之象也又乎

體為坎坎為丈夫坎為水水流而去是夫征不復也

夫既不復則婦人之道顛覆故孕而不育

郊特牲正義

孕猶娠也

釋文

歸妹

六三歸妹以須

須有才智之稱天文有須女屈原之妹名女須詩桑扈正義

女承筐无實

宗廟之禮主婦奉筐米王氏士昏禮云婦入三月而

後祭行詩葛屨正義

豐

豐之言供充滿意也釋文

日中則昃日盈則食

言皆有休已無常盛也公羊疏

初九遇其妃主

嘉耦曰妃

釋文

雖旬无咎

初脩禮上朝四四以匹敵恩厚待之雖留十日不爲

咎正以十日者朝聘之禮止于主國以爲限聘禮畢

歸大禮曰旬而稍旬之外爲稍久留非常

詩有客正義

六二豐其菩

菩小席

釋文

九三豐其韋

一作韋

韋祭祀之蔽膝

釋文

日中見昧

釋文

折其右肱

三良爰良爲手求體爲巽巽又爲進退手而便于進

退右肱也猶大臣用事于君君能誅之故无咎

儀禮覲禮

疏

闕其無人

闕無人貌

釋文

天際祥也

釋文

際當爲療療病也

釋文

自戕也

戕傷也

釋文

旅

初六旅瑣瑣斯其所取災

瑣瑣猶小小也爻乎體艮艮小石小小之象三爲聘

客初與二其介也介當以篤實之人爲之而用小人

瑣瑣然客主人爲言不能辭曰非禮不能對曰非禮

每者不能以禮行行則其所以得罪

儀禮聘禮疏

兌

離澤兌

離猶併也

釋文

九四商兌

商隱度也

釋文

渙

渙汗其大號

號令也

文選三

節

節以制度不傷財不害民

空府藏則傷財力役繁則害民二者奢泰之所致

後漢

書王符傳注

中孚

中孚豚魚吉

三辰在亥亥為豕爻失正故變而從小名言豚耳四辰在丑丑為鼃蟹鼃蟹魚之微者爻得正故變而從

大名言魚耳

體平一作三

兌兌為澤四上值天淵二五

皆坎爻坎為水二浸澤則豚利五亦以水灌淵則魚利豚魚以喻小民也而為明君賢臣恩意所供養故

吉

詩無羊正義

乘木舟虛也

舟謂集板如今目空木大為之曰虛

詩谷風正義

小過

小過亨利貞

中孚為陽貞于十一月子小過為陰貞于六月未法

于乾坤

王氏

不宜上

上如謂君也

釋文

密雲不雨已尚也

釋文

尚庶幾也

釋文

既濟

既已也盡也濟度也

釋文

六二婦喪其茀

第車蔽也

釋文

憊也

劣弱也

釋文

縑有衣衾

縑音須
釋文

九五東鄰殺牛不如西鄰之禴祭

禴體為坎又禴體為离离為日坎為月日出東方東

鄰象月出西方西鄰象

坊記正義

禴夏祭之名

王氏

未濟

小狐汔濟

汔幾也

釋文

鄭氏周易卷中

鄭氏周易

卷中

九

雅雨堂

東坡先生集

卷之

三

鄭氏周易卷下

浚儀王應麟撰集

東吳惠棟增補

繫辭上傳

天尊地卑乾坤定矣卑高已陳貴賤位矣

君臣尊卑之貴賤如山澤之有高卑也

樂記正義

動靜有常剛柔斷矣

雷風也陽動陰靜剛柔之斷也

同上

穀梁公羊疏

方以類聚物以羣分

謂水火也

同上

在天成象

日月星辰也

同上

在地成形

謂草木鳥獸也

同上 御覽三十九

八卦相蕩

釋文

乾以易知

易音亦 釋文

三極之道也

三極三才也

釋文

君子居則觀其象而翫其辭

釋文

震无咎者存乎悔

震懼也

釋文

易與天地準

準中也平也

釋文

原始及終

釋文

精氣爲物遊魂爲變是故知鬼神之情狀與天地相似故不違

精氣謂七八也遊魂謂九六也七八木火之數九六金水之數木火用事而物生故曰精氣爲物金水用事而物變故曰遊魂爲變精氣謂之神遊魂謂之鬼木火生物金水終物二物變化其情與天地相似故

无所差違之也

集解 樂
記正義

而道濟天下

道當作導

文釋

範圍天地之化

範法也

文釋

故君子之道眇矣

眇少也

文釋

臧諸用

臧善也

文釋

言天下之至嘖而不可惡也

惡烏落反
釋文

言天下之至嘖而不可亂也

嘖當為動釋文

樞機之發榮辱之主也

樞戶樞也機弩牙也戶樞之發或明或闇弩牙之發

或中或否以喻君子之言或榮或辱一云以譬言語之發有榮有辱

禮記曲禮正義 左傳襄二十五年正義

慎斯術也

術道釋文

有功而不置

置當為德一作誌 釋文

君不密則失臣臣不密則失身幾事不密則害成

幾微也密靜也言不慎于微而以動作則禍變必成

公羊疏

野容誨淫

飾其容而見於外曰野言妖野容儀教誨淫佚

釋文後

漢崔駰傳注

大衍之數五十其用四十有九

天地之數五十有五以五行氣通凡五行減五大衍

又減一故四十九也

正義

衍演也揲取也

釋文

天一生水

于北地二生水于南天三生木于東地四生金于西

天五生土于中陽无耦陰无配未得相成地六成水
于北與天一并天七成火于南與地二并地八成木
于東與天三并天九成金于西與地四并地十成土
于中與天五并大衍之數五十有五五行各氣并氣
并而減五惟有五十以五十之數不可以爲七八九
六卜筮之占以用之更減其一故四十有九也

月令正義

天數五地數五五位相得而各有合

天地之氣各有五五行之次一曰水天數也二曰火
地數也三曰木天數也四曰金地數也五曰土天數
也此五者陰无匹陽无耦故又合之地六爲天一匹

也天七爲地二耦也地八爲天三匹也天九爲地四耦也地十爲天五匹也二五陰陽各有合然後氣相得施化行也

春秋正義

以制器尚其象

此者存于器象可得而用一切器物及造立皆是

春官

大卜疏

聖人之所以極深而研機也

機當作幾幾微也

釋文

著之德圓而神

著形圓而可以立變化之數故謂之神也

少牢饋食禮疏

神武而不殺者夫

殺所戒反
釋文

易有太極

極中之道淳和未分之氣也

文選
十九

兩儀生四象

布六于北方以象水布八于東方以象木布九于西

方以象金布七于南方以象火

王氏

定天下之吉凶成天下之亹亹者莫善乎蓍龜

凡天下之善惡及沒沒之衆事皆成定之言其廣大

無不包也

公羊
疏

有以尚賢也

文釋

河出圖洛出書聖人則之

春秋緯云河以通乾出天苞洛以流坤吐地符河龍

圖發洛龜書成河圖有九篇洛書有六篇也

集解

繫辭下傳

古者包犧氏之王天下也

包取

一作聚

也鳥獸全具曰犧

釋文

黃帝堯舜垂衣裳

始去羽毛

公羊疏

金天氏高陽高辛遵黃帝之道無所

改作

春官大司樂疏

蓋取諸乾坤

乾爲天其色玄坤爲地其色黃

正義

重門擊橈以待蹢客

釋文

豫坤下震上九四體震又牙體有艮艮爲門震日所
出亦爲門重門象艮又爲手巽爻也應在四皆木也
手持二木也手持二木以相敲是爲擊橈擊橈爲守
備驚戒也四又牙體爲坎坎爲盜五離爻爲甲冑戈
兵盜甲冑持戈兵是蹢客也又以其卦爲豫有守備

則不可自佚

天官宮正疏

後世聖人易之以棺槨蓋取諸大過

大過者巽下兌上之卦初六在巽體巽爲木上六位

在巳巳當巽位巽又爲木二木在外以夾四陽四陽
牙體爲二乾乾爲君爲父二木夾君父一作是棺槨之

象

檀弓正義

上古結繩而治

結繩爲約事大大結其繩事小小結其繩

正義正

後世聖人易之以書契

書之于木刻其側爲契各持其一後以相考合

書正義正

陽一君而二民君子之道也陰二君而一民小人之道
也

一君二民謂黃帝堯舜謂地方萬里爲方千里者百

中國之民居七千里七七四十九方千里者四十九
四裔之民居千里者五十一是中國四裔二民共事
一君二君一民謂三代之末以地方五千里一君有
五千里之土五五二十五更足以一君二十五始滿
千里之方五十乃當堯舜一民之地故云二君一民

王制正義

君子知微知章

知微謂幽昧知章謂明顯也

文選西征賦注

男女觀精

觀合也男女以陰陽合其精氣

詩草蟲正義

因貳以濟民行

貳當爲式

文釋

損德之修也

修治也

文釋

困德之辨也

辨別也遭困之時君子固窮小人窮則濫德于是別

也

集解

益長裕而不設

設大也周禮攷工曰中其莖設其後

攷工桃氏疏

若夫雜物算德

算數也

文釋

則居可知矣

居音基
辭也

知者觀其彖辭

彖辭爻辭也

文釋

當文王與紂之事耶

據此言以易文王所作斷可知矣

左傳昭二
年正義

成天下之亶亶者

亶亶沒沒也

文釋

人謀鬼謀

鬼謀謂謀卜筮於廟門是也

士冠
禮疏

愛惡相攻

惡鳥落反
釋文

說卦傳

昔者聖人之作易也

謂伏犧文王也

尚書孔
序正義

參天兩地而倚數

天地之數備於十乃三之以天兩之以地而倚託大

演之數五十也必三之以天兩之以地者天三覆地

二載必極於數庶幾得吉凶之審也

正義

窮理盡性以至于命

言窮其義理盡其人之情性以至于命吉凶所定

文選

注六

發揮于剛柔

揮揚也

文釋

兼三才而兩之故易六畫而成卦

三才天地人之道六畫畫六爻

士冠禮疏

雷風相薄

薄入也

文釋

萬物出乎震震東方也齊乎巽巽東南也齊也者言萬物之絜齊也離也者明也萬物皆相見南方之卦也聖人南面而聽天下嚮明而治蓋取諸此也坤也者地也

萬物皆致養焉故曰致役乎坤兌正秋也萬物之所說也故曰說言乎兌戰于乾乾西北之卦也言陰陽相薄也坎者水也正北方之卦也勞卦也萬物之所歸也故曰勞乎坎艮東北之卦也萬物之所成終而所成始也故曰成言乎艮

萬物出於震雷發聲以生之也齊於巽相見於離風搖動以齊之也絜猶新也萬物皆相見日照之使光大萬物皆致養焉地氣含養使有秀實也萬物之所說草木皆老猶以澤氣說成之戰言陰陽相薄西北陰也而乾以純陽臨之猶君臣對合也坎勞卦也水

性勞而不倦萬物之所歸也萬物自春出生於地冬
氣閉藏還皆入地萬物之所成終而所成始言萬物
陰氣終陽氣始皆艮之用事也

漢上易九卷
周易折中

神也者眇萬物而為言者也

共成萬物物不可得而分故合謂之神

漢上易

莫盛乎艮

盛音成

盛裏也

釋文

故水火相逮

釋文

兌為羊

其畜好剛鹵

夏官羊人
序官疏

兌爲口

上開似口

漢上易

乾爲天

天清明无形

漢上易

爲瘠馬

凡骨爲陽肉爲陰

同上

爲龍

龍讀爲尨取日出時色雜也

漢上易

爲專

專布戀反釋文

爲大塗

國中三道曰塗震上植房心塗而大者取房有三塗

焉漢上易

為萑葦

竹類漢上易

為反生

生而反出也漢上易

為繩直為墨晁氏云

其於人也為宣髮

宣髮取四月靡草死髮在人體猶靡草在地

攷工車人疏

為黃穎釋文

爲矯輮

釋文

爲月

臣象也

文選月賦注

爲電

取火明也久明似日暫明似電也

集解

爲乾卦

乾當爲幹

董遇本作幹

陽在外能幹正也

釋文

爲鼃爲蟹爲羸爲蚌爲龜

皆骨在外

攷工梓人疏

爲科上藁

科上者陰在內為疾

漢上易

為徑路

田間之道曰徑路良為之者取山間鹿兔之蹊

初學記二

四十

為小指

晁氏云

為黠喙之屬

謂虎豹之屬貪冒之類取其為山獸

漢上易釋文

為陽

今本羊

此陽謂為養无家女行賃炊爨今時有之賤子妾也

漢上易晁氏同

序卦傳

物生必蒙故受之以蒙蒙者蒙也物之穉也

蒙幼小之貌齊人謂萌爲蒙也

集解

物穉不可不養也

言孩稚不養則不長也

集解

飲食必有訟故受之以訟

訟猶爭

一作諍

也言飲食之惠恒多爭也

集解

履然後安故受之以泰

晁氏云

有大有不可以盈

晁氏云

有大而能謙必豫故受之以豫

言同既大而有嘽德則於政事恬豫雷出地奮豫

行出而喜樂之意

集解

豫必有隨

喜樂而出人則隨從孟子曰吾君不游吾何以休吾

君不豫吾何以此助之謂也

正義

可觀而後有所合

易乾鑿度曰陽起於子陰起於午天數大分以陽出

離以陰入坎坎爲中男離爲中女太乙之行出從中

男入從中女因陰陽男女之偶爲終始也

王氏

致飾然後亨則盡矣

亨許兩反釋文

有无妄物然後可畜

項安世周易玩辭
晁氏同

故受之以大過

以養賢者宜過于厚

正義

夫婦之道不可以不久也

言夫婦當有終身之義夫婦之道謂咸恒也

集解

物不可以終久於其所故受之以遯

晁氏云

主器者莫若長子

謂父退居田里不能備祭宗廟長子當親視滌濯鼎

俎是也

曲禮正義

雜卦傳

屯見而不失其居

見如字
釋文

損益衰盛之始也

釋文
引見會
通今釋文無之

兌說而巽伏也

晁氏
云

蠱則飾也

釋文

大過顛也

自此以下卦音不協似錯亂失正弗敢改耳

晁氏
云

小人道消也

晁氏
云

鄭氏周易卷下

鄭氏周易

卷下

与

雅雨堂

周易卷之四

周易卷之四

乾隆丙子稿

周易乾鑿度

雅雨堂藏板

周易乾鑿度序

周易乾鑿度二卷其中多七十子大義兩漢諸儒皆宗之京房之注大衍亶誦之用甲寅元陳寵之論三微張衡之述九宮許慎之稱君人五號又鄭康成注易謂易一言而含三義注禮謂三王郊用夏正以易之帝乙爲成湯成本乾鑿度一行言卦氣之說出孟氏章句而不知乾鑿度已言之此皆易之大義也或曰緯書非學者所尚是不然聖人作經賢人緯之經粹然至精緯則有駁有醇成哀之緯其辭駁先秦之緯其辭醇乾鑿度先秦之書也去聖未遠家法猶存故鄭康成漢代大儒而

爲之注唐李鼎祚作易傳是時緯候具在獨取乾鑿度
非以其醇耶此書前明刊本流傳而多闕誤茲得之嘉
靖中吳郡錢君叔寶藏本不失舊觀爲梓而行之以備
漢學世所傳乾坤鑿度文義淺陋陳直齋謂崇文書目
無之至元祐田氏書目始載是國朝人依託爲之非此
書之比也

乾隆丙子德州盧見曾序

周易乾鑿度卷上

鄭氏注

孔子曰易者易也變易也不易也管三成德為道苞籥

管統也德者得也道者理也籥者要也言易道統此三事故能成天下之道德故云包道之要籥也易者

以言其德也通情無門藏神無內也易者無為故天下之性莫不自得也

光明四通佼易立節佼易者寂然無為之謂也天地爛明日月星辰

布設八卦錯序律律調列五緯順軌五緯五星也四時和栗

孳結孳育也結成也四瀆通情優游信潔水有信而清潔根著浮流根著

者草木也浮流者人兼鳥獸也氣更相實比皆言易道無為故天虛无

感動清淨炤哲炤明也夫惟虛无也故能感天下之動唯清淨也故能炤天下之明移物

致耀至誠專密

移動也天確爾至誠故物得以自

不煩

不撓淡泊不失此其易也

未始有得夫何失哉

變易也者其氣也

天地不變不能通氣

否卦是也

五行迭終四時更廢

天道如之而況

於人

君臣取象變節相和能消者息

文王是也

必專者敗

紂

是也

君臣不變不能成朝紂行酷虐天地反

不能變節以下賢也

文

王下呂九尾見

文王師呂尚遂致九尾狐瑞也

夫婦不變不能成家妲

已擅寵殷以之破

不變節以逮衆妾也

大任順季享國七百此其

變易也不易也者其位也天在上地在下君南面臣北

面父坐子伏此其不易也故易者天地之道也乾坤之

德萬物之寶至哉易一元以爲元紀

天地之元萬物所紀

孔子曰

方上古之時人民無別羣物無殊未有衣食器用之利

天地氣淳人物恬粹同於自得故不相殊別人雖有此而用之故行而無迹事而勿傳也於是伏羲

乃仰觀象於天俯觀法於地中觀萬物之宜始作八卦

以通神明之德以類萬物之情伏羲之時物漸流動是以因別八卦以鎮其動

也故易者所以繼天地理人倫而明王道王道繼天地而已是

故八卦以建五氣以立五常以之行天地氣合而象法

乾坤順陰陽以正君臣父子夫婦之義天地陰陽尚有尊卑先後之序

而況人度時制宜作网罟以畋以漁以贍人用時有不

器以於是人民乃治君親以尊臣子以順羣生和洽各

安其性八卦之用安猶不失也順其度而道之因其宜而制之則天下之志通萬類之情得

也伏羲氏之王天下也始作八卦結繩而爲网罟以畋

以漁蓋取諸離質者無文以天言此易之意夫何爲哉亦順其自

通而已耳當此之時天氣尚淳物性猶朴是故義聖亦因以質法化人故曰以王天下也夫八卦之

變象感在人人情變動因設變動之文文王因性情之

宜爲之節文九六之辭是也孔子曰易始於太極氣象未分之

始也太極分而爲二七九故生天地輕清者上爲天濁重者下爲地天地

有春夏秋冬之節故生四時四時各有陰陽剛柔之分

故生八卦八卦成列天地之道立雷風水火山澤之象

定矣其布散用事也震生物於東方位在二月巽散之

於東南位在四月離長之於南方位在五月坤養之於

西南方位在六月兌收之於西方位在八月乾制之於西北方位在十月坎藏之於北方位在十一月艮終始之於東北方位在十二月八卦之氣終則四正四維之分明生長收藏之道備陰陽之體定神明之德通而萬物各以其類成矣

萬物是八卦之象定其位則不遷其性不淫其德矣故各得自成者也

皆易之所苞也至矣哉易之德也孔子曰歲三百六十

日而天氣周八卦用事各四十五日方備歲焉

其中猶自有斗

分此重舉大數而已

故艮漸正月巽漸三月坤漸七月乾漸九月

而各以卦之所言爲月也

乾御戌亥在於十月而漸九月也

乾者天也

終而爲萬物始北方萬物所始也故乾位在於十月艮

者止物者也故在四時之終位在十二月巽者陰始順

陽者也陽始壯於東南方故位在四月坤者地之道也

形正六月四維正紀經緯仲序度畢矣

四維正四時之紀則坎離為經

震兌為緯此四正之卦為四仲之次序也孔子曰乾坤陰陽之主也陽始於

亥形於丑乾位在西北陽祖微據始也

陽氣始於亥生於子形於丑故

乾位在西北也

陰始於巳形於未據正立位故坤位在西南陰

之正也

陰氣始於巳生於午形於未陰道卑順不敢據始以敵故立於正形之位

君道倡始

臣道終正是以乾位在亥坤位在未所以明陰陽之職

定君臣之位也

孔子曰八卦之序成立則五氣變形故人生而應八卦

之體得五氣以爲五常仁義禮智信是也夫萬物始出於震震東方之卦也陽氣始生受形之道也故東方爲仁成於離離南方之卦也陽得正於上陰得正於下尊卑之象定禮之序也故南方爲禮入於兌兌西方之卦也陰用事而萬物得其宜義之理也故西方爲義漸於坎坎北方之卦也陰氣形盛陰陽氣舍剛信之類也故北方爲信夫四方之義皆統於中央故乾坤艮巽位在四維中央所以繩四方行也智之決也故中央爲智故道興於仁立於禮理於義定於信成於智五者道德之分天人之際也聖人所以通天意理人倫而明至道也

昔者聖人因陰陽定消息立乾坤以統天地也夫有形

生於无形乾坤安從生

天地本无形而得有形則有形生於无形矣故繫曰形而上

者謂之道夫乾坤者法天地之□□□先設問乾坤安從生也

故曰有太易有太初有太始有太素也太易者未見氣

也

以其寂然无物故名之為太易

太初者氣之始也

元氣之所本始太易既自寂然无物

矣焉能生此太初哉則

太初者亦忽然而自生

太始者形之始也

形見也天象形見之所本

始也

太素者質之始也

地質之所本始也

氣形質具而未離故曰

渾淪

雖合此三始而猶未有分判

渾淪者言萬物相渾

成而未相離

言萬物莫不資此三者也

視之不見聽之不聞循之不

得故曰易也易无形畔

此明太易无形之時虛豁寂寞不可以視聽尋繫曰易无體此

之謂

易變而為一

一主北方氣漸生之始此則太初氣之所生也

一變而為七

七主南方陽氣壯盛之始也萬物皆形見焉此則太始氣之所生者也

七變而為九

西方陽氣

所終究之始也此則太素氣之所生也

九者氣變之究也乃復變而為一

此一則元氣形見而未分者夫陽氣內動周流終始然后化生一之形氣也

一者形變之始

清輕者上為天

象形見矣

濁重者下為地

質形見矣

物有始有壯

有究故三畫而成乾

象一七九也夫陽則言乾成者陰則坤成可知矣

乾坤相

並俱生物有陰陽因而重之故六畫而成卦

陰陽剛柔之與仁義

也

三畫已下為地四畫已上為天物感以動類相應也

易氣從下生

易本无形自微及著故氣從下生以下爻為始也

動於地之下則

應於天之下動於地之中則應於天之中動於地之上

則應於天之上

天氣下降以感地故地氣動升而應天也

初以四二以五三

以上此之謂應陽動而進陰動而退故陽以七陰以八

為彖易一陰一陽合而為十五之謂道

彖者爻之不變動者五象天數

奇也十象地之數偶也合天地之數乃謂之道

陽變七之九陰變八之六

陽動而進

變七之九象其氣息也陰動而退變八之六象其氣消也

亦合於十五則彖變之數

若之一也

九六爻之變動者繫曰爻効天下之動也然則連山歸藏占彖本其質性也周易占變者

効其流動也彖者斷也

五音六律七變由此作焉故大衍之數五

十所以成變化而行鬼神也

衍猶闕也

日十干者五音也

甲乙

角也丙丁徵也戊巳宮也庚辛商也壬癸羽也

辰十二者六律也

六律益六呂合十二辰

星二十八者七宿也

四方各七四七二十八周天也

凡五十所以大闕

物而出之者也

變繫於易象也

孔子曰陽三陰四位

之正也

三者東方之數東方日之出也又圓者徑一而周三四者西方之數西方日所入也又方者徑

一而匝

四也故易卦六十四分而為上下象陰陽也夫陽道

純而奇故上篇三十所以象陽也

陽道專斷兼統陰事故曰純也

陰道

不純而偶故下篇三十四所以法陰也乾坤者陰陽之

根本萬物之祖宗也為上篇始者尊之也離為日坎為

月日月之道陰陽之經所以終始萬物故以坎離為終

言以日月終天地之道也

咸恒者男女之始夫婦之道也人道之興

必由夫婦所以奉承祖宗為天地主也故為下篇始者

貴之也既濟未濟為最終者所以明戒慎而存王道

夫物

不可窮理不可極故王者亦常則天而行與時消息不可安而忘危存而忘亡未濟者亦无窮極之謂者也

孔子曰泰者天地交通陰陽用事長養萬物也否者天

地不交通陰陽不用事止萬物之長也上經象陽故以

乾爲首坤爲次先泰而後否

先尊而后卑先通而后止者所以類陽事也損

者陰用事澤損山而萬物損也下損以事其上

象陽用事之時

陰宜自損以奉陽者所以戒陰道以執其順者也

益者陽用事而雷風益萬物

也上自損以益下

當陰用事之時陽宜自損以益陰者所以戒陽道以弘其化也下經

以法陰故以咸爲始恒爲次先損而後益

咸則男下女恒則陽上而

陰下先陰而後陽者以取類陰也

各順其類也




孔子曰昇者十二月之卦也陽氣升上陰氣欲承

萬物始進譬猶文王之脩積道德弘開基業始即昇平之路當此時也鄰國被化岐民和洽是以六四蒙澤而承吉九三可處王位亨于岐山爲報德也明陰以顯陽之化民臣之順德也

民臣化順又王之德

故言无咎




孔子曰益之六二或益之十朋之龜弗克違永貞

吉王用亨于帝吉益者正月之卦也天氣下施萬物皆益言王者之法天地施政教而天下被陽德蒙王化如美寶莫能違害永貞其道咸受吉此德施四海能繼天道也王用亨于帝者言祭天也三王之郊一用夏正天氣三微而成一著三著而成一體

五日爲一微十五日爲一著故五日有一

候十五日成一氣也冬至陽始生積十五日至小寒為一著至大寒為二著至立春為三著凡四十五日而成一節故曰三著而成體也正月方此之時天地交萬物則泰卦用事故曰成體而郊也此四時之正不易之道也通故泰益之卦皆夏之正也故三王之郊一用夏正所以順四時法天地之通道也



孔子曰隨上六拘繫之乃從維之康用亨于西山

隨者二月之卦隨德施行藩決難解

大壯九三爻主正月陰氣猶在故羝

羊觸藩而羸其角也至于九四主二月故藩決不羸也言二月之時陽氣已壯施生萬物而陰氣漸微不能為難以障閉陽氣故萬物隨陽而出故上六欲九五拘繫曰藩決難解也

之維持之明被陽化而陰隨從之也譬猶文王之崇至

德顯中和之美拘民以禮係民以義當此之時仁恩所

加靡不隨從咸悅其德得用道之王故言王用亨于西

山

是時紂存未得
東巡故言西山

孔子曰陽消陰言夬陰消陽言剥者

萬物之祖也斷制除害全物爲務夬之爲言決也當三

月之時陽盛息消夬陰之氣萬物畢生靡不蒙化譬猶

王者之崇至德奉承天命伐決小人以安百姓故謂之

決夫陰蕩害爲行故剥之爲行剥也當九月之時陽氣

衰消而陰終不能盡陽小人不能決君子也謂之剥言

不安而已

直剥落傷害使萬物不得
安全而已然不能決君子

是以夬之九五言

決小人

經曰覓陸夬
夬中行無咎

剥之六五言盛殺萬物皆剥墮落

譬猶君子之道衰小人之道盛侵害之行興安全之道

廢陰貫魚而欲承君子也

陽衰之時若能執柔順以奉承君子若魚之序然後能元

不利也

孔子曰易有六位三才天地人道之分際也三才之道

天地人也天有陰陽地有柔剛人有仁義法此三者故

生六位六位之變陽爻者制於天也陰爻者繫於地也

天動而施曰仁地靜而理曰義仁成而上義成而下上

者專制下者順從正形於人則道德立而尊卑定矣

震主

施生卯爲日出象人道之陽也兌主入悅酉爲月門象人道之柔也夫人者通之也德之經也故曰道德立者

也此天地人道之分際也天地之氣必有終始六位之

設皆由上下故易始於一

易本无體氣變而爲一故氣從下生也

分於二

清濁分
於二儀通於三陰陽氣交人生於四其中故為三才盛於

五二壯於地五壯於天故為盛也終於上初為元士在位二為大夫三

為三公四為諸侯五為天子上為宗廟宗廟人道之終凡此六

者陰陽所以進退君臣所以升降萬人所以為象則也

故陰陽有盛衰人道有得失聖人因其象隨其變為之

設卦方盛則託吉將衰則寄凶聖人見物情有得失之故寄託陰陽之盛衰以

斷其吉凶也陰陽失位皆為不正初六陰不正九二陽不正其應實而有

之皆失義陰有陽應陽有陰應實者也既非其應設使

不貴善雖微細必見吉端惡雖纖介必有悔吝所以極

天地之變盡萬物之情明王事也王者亦當窮天地之理類萬物之情

繫之曰立象以盡意設卦以盡情偽

以象盡天地之意重之盡萬物之變

也者繫辭焉以盡其言孔子曰易六位正王度見矣孔子

曰易有君人五號也帝者天稱也王者美行也天子者

爵號也大君者與上行異也

臨之九二有中和美異之行應于五位故百姓欲其

與上為大君也

大人者聖明德備也變文以著名題德以別操

夫至人一也應跡不同而生五號故百姓變其文名別其操行

王者天下所歸往易曰

在師中吉无咎王三錫命師者眾也言有盛德行中和

順民心天下歸往之莫不美命為王也行師以除民害

賜命以長世德之盛

武王受命行師以除民害遂享七百之祚可謂之長世也

天子

者繼天理物改一統各得其宜父天母地以養萬民至

尊之號也易曰公用亨于天子

大有九三曰公用亨于天子小人不克害也又

王爲紂三公百姓悅樂文王之德文王享天子之位以決罰小人之罪也

大君者君人之盛

者也易曰知臨大君之宜吉臨者大也陽氣在內中和之盛應于盛位浸大之化行于萬民故言宜處王位施大化爲大君矣臣民欲被化之詞也大人者聖人之在位者也夫大人者與天地合其德易曰見龍在田利見大人又曰飛龍在天利見大人言德化施行天地之和故曰大人

孔子曰既濟九三高宗伐鬼方三年克之高宗者武丁也湯之後有德之君也九月之時陽失正位盛德既衰

而九三得正下陰能終其道濟成萬物猶殷道中衰王道陵遲至于高宗內理其國以得民心扶救衰微伐征遠方三年而惡消滅王道成殷人高而宗之文王挺以

校易勸德也

挺出高宗以口昭易義所以勸人君脩德者也

孔子曰易本陰陽

以譬於物也掇序帝乙箕子高宗著德易者所以昭天道定王業也上術先聖考諸近世采美善以見王事言帝乙箕子高宗明有法也美帝乙之嫁妹順天地之道以立嫁娶之義義立則妃匹正妃匹正則王化全

孔子曰泰者正月之卦也陽氣始通陰道執順故因此以見湯之嫁妹能順天地之道立教戒之義也至于歸

妹八月卦也陽氣歸下陰氣方盛故復以見湯妹之嫁

以天子貴妹而能自卑順從變節下嫁以從夫故曰變節也而欲承

陽者以執湯之戒此謂教戒之義是以因時變一用見帝乙之

道所以彰湯之美明陰陽之義也孔子曰自成湯至帝

乙帝乙湯之玄孫之孫也此帝乙即湯也殷錄質以生

日為名順天性也玄孫之孫外絕恩矣玄孫之孫五世之末外絕恩矣

同以乙日生疏可同名同以乙日生天錫之命疏可同名湯以乙生嫁

妹本天地正夫婦夫婦正則王教興矣故曰易之帝乙

為成湯書之帝乙六世王同名不害以明功

孔子曰紱者所以別尊卑彰有德也故朱赤者盛色也

南方陽是以聖人法以爲紱服欲百世不易也故困九五文王爲紂三公故言困于赤紱也至於九二周將王故言朱紱方來不易之法也

孔子曰易天子三公諸侯紱服皆同色困之九二困于酒食朱紱方來九五劓刖困于赤紱乃徐有說天子三

公九卿朱紱諸侯赤紱

朱赤雖同而有深淺之差

困之九二有中和

居亂世交於小人又困于酒食者困於祿也

因其祿薄故無以爲

酒食赤紱者賜大夫之服也文王方困而有九二大人之

行將錫之朱紱也其位在二故以大夫言之

文王雖紂三公而爲

小人所困且進不得伸其職事也故遂同於大夫二爲大夫也至於九五劓刖不安也

文王在諸侯之位上困於紂故曰困于赤紱夫執中和
順時變以全王德通至美矣故曰乃徐有說工記諸豕
曰困而不失其所亨也貞大人吉以剛中也

周易乾鑿度卷上

以爲章句

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

周易乾鑿度卷下

鄭氏注

孔子曰自成湯至帝乙帝乙湯玄孫之孫也帝乙則湯

殷錄質

王者之政一質一文以變易從初殷錄相次質也

以生日為名順天性

也玄孫五世之末外絕恩矣同日以乙天之錫命疏可

同名

仁恩已絕則不能避故小殷以是日同故曰天之錫命矣

湯以乙生嫁妹本天

地之義順陰陽之道以正夫婦夫婦正則王教興

正夫婦者

乃所以興王教於天下非苟也

易之帝乙為湯書之帝乙六世王名同

不害以明功

易與尚書俱載帝乙雖同名不相害各以明其美功也

孔子曰易天子三公諸侯紱服皆同色困九二困于酒

食朱紱方來九五劓刖困于赤牝

謂朱紱為同色者其深法同以淺深為之

差也

夫困之九二有中和居亂世交於小人困於酒食者

困於祿也朱牝者天子賜大夫之服而有九二大人之

行將賜之朱牝其位在二故以大夫言之

困於祿者至祿少薄也

於九五劓刖者不安也文王在諸侯之位上困於紂也

故曰劓刖困於赤牝夫執中和順時變所以全王德通

至美也乃徐有說

赤牝紂所賜文王所以喻紂也

以巽順而變故終無災

曰困而不失其所亨貞大人吉以剛中也文王困陰陽

定消息立乾坤統天地夫有形者生於有形則乾坤安

從生

消息寒溫之氣而陰陽定寒溫此三微生著而立乾坤以天地之道則是天地先乾坤生也天有象

可見地有形可處若先乾坤則是乃天地生乾坤或云
有形生於无形則為反矣如是則乾坤安從生焉若怪
而問之欲故曰有太易有太初有太始有太素將說此
說其故曰故曰有太易有太初有太始有太素也時人
不知問故先張所由以太易者未見氣太初者氣之始
為本使易陵猶故也

太始者形之始太素者質之始

太易之始漠然無氣可見者太初之氣寒溫始

生也太始有兆始萌也太素有質始形也諸所為物皆成苞裹元未分別

氣形質具而未相

離故曰渾淪言萬物相渾淪而未相離

此極說太素渾淪令人言質率

爾有能散之意視之不見聽之不聞循之不得故曰易也易無

形埒也

此又說上古太易之時始有聲氣曰埒尚未有聲氣惡有形兆乎又重明之禮記夏小正十二

月鷄始乳也

易變而為一一變而為七七變而為九九者氣

變之究也乃復變而為一一者形變之始清輕上為天

濁重下爲地

易太易也太易變而爲一謂變爲太始也七變而爲九

謂變爲太素也乃復變爲一一變誤耳當爲二二變而

爲六六變而爲八則與上七九意相協不言如是者謂

足相推明耳九言氣變之究也二言形之始亦足以發

之耳又言乃復之一易之變一也太易之變不惟是而

已乃復變而爲二亦謂變而爲太初二變爲六亦謂變

而爲太始也六變爲八亦謂變而爲太素也九陽數也

言氣變之終二陰數也言形變之始則氣與形相隨此

也初太始之六見其先后耳繫曰天一地二天三地四

天五地六天七地八天九地十奇者爲陽偶者爲陰奇

者得陽而合偶者得陰而居言數相偶乃爲道也孔子

於易繫著此天地之數一乃言子曰明天地之道本此

者也一變而爲七是今陽爻之象七變而爲九是今陽

爻之變二變而爲六是今陰爻之變六變而爲八是今

陰爻之象七在南方象火九在西方象金六在北方象

水八在東方象木自太易至太素氣也形也既成四象

爻備於是清輕上而爲天重濁下而爲地於是而開闢

也天地之與乾坤氣形之與質本同時如表裏物有始

有壯有究故三畫而成乾乾坤相並俱生

物於太初時如始太始時

如壯太素時如究而后天地開闢乾坤卦象立焉三畫成體象卦亦然

物有陰陽因而重

之故六畫而成卦

此言人皆所及無苟然

卦者掛也掛萬物視而

見之故三畫已下爲地四畫已上爲天物感以動類相

應也易氣從下生故動於地之下則應於天之下動於

地之中則應於天之中動於地之上則應於天之上故

初以四二以五三以上此謂之應陽動而進陰動而退

故陽以七陰以八爲彖易一陰一陽合而爲十五之謂

道陽變七之九陰變八之六亦合於十五則彖變之數

若一陽動而進變七之九象其氣之息也陰動而退變

八之六象其氣之消也故太一取其數以行九宮四正

四維皆合於十五

太一者北辰之神名也居其所曰太一常行於八卦日辰之間曰天一或

曰大一出入所遊息於紫宮之內外其星因以為名焉故星經曰天一太一主氣之神行猶待也四正四維以

八卦神所居故亦名之曰宮天一下行八卦之宮每四乃還省方岳之事每率則復太一下行八卦之宮每四乃還

於中央中央者北神之所居故因謂之九宮天數大分以陽出以陰入陽起於子陰起於午是以太一下九宮

從坎宮始坎中男始亦言無適也自此而從於坤宮坤母也又自此而從震宮震長男也又自此而從巽宮巽

長女也所行半矣還息於中央之宮既又自此而從乾宮乾父也自此而從兌宮兌少女也又自此而從艮宮

艮少男也又自此而從離宮離中女也行則周矣上遊息於太一天一之宮而反於紫宮行起從坎宮始終於

離宮數自太一行之坎為名耳出從中男入從中女亦因陰陽男女之偶為終始云從自坎宮必先之坤者母

於子養之勤勞者次之震又之巽母從異姓來此其所以敬為生者從息中而復之乾者父於子教之而已於

事逸也次之兌又之艮父或老順其心所愛以為長育多少大小之行已亦為施此數皆合十五言有法也

五音六律七宿由此作焉則作起也見八卦行太一之宮

又知日辰及列宿亦有事焉故曰由此八卦之生物也起日辰及列宿皆係八卦是以云也

畫六卦之移氣周而從卦八卦生物謂其歲之八節每

今言畫六爻是則中分之言太史八卦數二十四以生司刻漏者每氣兩箭猶是生焉

陰陽衍之皆合之於度量數二十四者即分八卦各為

陽則中分為四十八也衍推極其數之本十二而候氣

十二而候律周焉衍生十二合二十四氣與八卦爻用

事之數通衍之如是者三極於六十乃大備合於度量

推衍之數可以知政得失無所苟焉度謂用律之長短

量謂所容陽析九陰析六陰陽之析各百九十二以四

時乘之八而周三十二而大周三百八十四爻萬一千

五百二十析也故卦當歲爻當月析當日大衍之數必
五十以成變化而行鬼神也故曰日十者五音也辰十
二者六律也星二十八者七宿也凡五十所以大闔物
而出之者故六十四卦三百八十四爻戒各有所繫焉
故陽唱而陰和男行而女隨天道左旋地道右遷二卦

十二爻而暮一歲

從陽析九至暮一歲此爻析之所由及卦爻析與歲月及日相當之息而

其文亦錯亂陽析九至八而周律辭不相理自是脫誤三百八十四爻至析當日是一簡字口故六十四卦至暮一歲是二簡字而大衍之說雜其間云是換脫此皆析數之事較其次序合補其脫正其誤復其換得无傷於脫贅敗賊於上言衍之皆合之於度量因承其大衍之數五十所以成變化而行鬼神也故曰日十者五音也辰十二者六律也星二十八者七宿也凡五十所以大闔物出之者也陽析九陰析六陰陽二析合一百九

十二爻故當以陰爻乘陰析合之以四時乘之并合之
三百八十四爻萬一千五百二十析也故卦當歲爻當
月析當日天道左旋地道右遷二卦十二爻而替一歲
三十二而大周如是則合之度量而至是大周七簡適
盈皆合二正亦可知之夫八十四戒者十二消息爻象
之變消息於雜卦爲尊每月者譬一卦而位屬焉各有
所繫是謂八十四戒必連數乾陽也坤陰也並治而交
之者見四百五十變而周矣
錯行乾貞於十一月子左行陽時六坤貞於六月未右
行陰時六以奉順成其歲歲終次從於屯蒙屯蒙主歲
屯爲陽貞於十二月丑其爻左行以間時而治六辰蒙
爲陰貞於正月寅其爻右行亦間時而治六辰歲終則
從其次卦陽卦以其辰爲貞丑與左行間辰而治六辰
陰卦與陽卦同位者退一辰以爲貞其爻右行間辰而

治六辰泰否之卦獨各貞其辰共北辰左行相隨也中

孚爲陽貞於十一月子小過爲陰貞於六月未法於乾

坤三十二歲暮而周六十四卦三百八十四爻萬一千

五百二十析復從於貞

貞正也初爻以此爲正次爻左右者各從次數之一歲終則從

其次屯蒙需訟也陰卦與陽卦其位同謂與同日若在

衝也陰則退一辰者爲左右交錯相避泰否獨各貞其

辰言不用卦次泰卦當貞於戌否當貞於亥戌乾體所

在亥又坤消息之月泰否乾坤爲體氣與之相亂故避

之而各貞其辰謂泰貞於正月否貞於七月六爻者泰

得否之乾否得泰之坤北辰左行謂泰從正月至六月

皆陽爻否從七月至十二月皆陰爻否泰各自相從中

孚貞於十一月小過貞於正月言法乾坤者著乾坤尚

然未以承餘且有改也餘不見爲圖者備列之矣暮也

周也皆一歲匪悟相避其於此月唯歲終矣爻析有餘

也歷以三百六十五日四分度之一爲一歲易以三百

六十析當暮之月此律歷數也五歲再閏故再扐而後

卦以應律歷之數

歷以記時律以候氣氣率十五日一

也歷之數有餘者四分之一參差不齊故閏月定四時成歲令相應也故乾坤氣合戌亥

音受二子之節陽生秀白之州載鍾名太一之精也其

帝一世紀錄事明期推移不奪而消焉

音假借字讀如鵠鵠之鵠包覆

之意也音與詩奄有九有同音此言律歷參差前却无

常故乾居西北氣合戌亥包覆二子之節交餘不齊當

於斷焉陽猶象也人象乾德而生者秀白之州字曰州

乾氣白又九月之節故謂秀白載猶植也齊人月令云

乾為金金於鍾律為商人象乾德而生殖之一姓也商

名也太一之精也言太一常行乾宮降感其母而生之

耳其帝一也其人為天子一世耳若堯舜者德聖明遠

見能識圖書為君得正者之多少又知其期推移易去

之微故不見代而自消退之自昔之退者此歷元名握

帝帝當是世猶乾在西北斷律歷不齊也

先紀日甲子歲甲寅握先為歷始名言无前也求卦主歲術曰常以

太歲紀歲七十六為一紀二十紀為一部首即置積部

首歲數加所入紀歲數以三十二除之餘不足者以乾

坤始數二卦而得一歲末算即主歲之卦部或為部於是為千五百

二十歲時人及它書之記為部首則及也即置一歲積日法二十九日與八

十一分日四十二除之得一命日月得積月十二與十

九分月之七一歲置一歲積日為實其法必通分乃成則實亦常通二通六三三以千五百

三十九日計下分三百八十五始必通是則以十九得乃除之去約多餘則一歲積月分定矣此為計下分門

時作法耳計下分以四寸一為中其求一歲積月及以今直以此紀歲除積日月亦自得之今計已多積候故

會稽劉洪乾象法已為五百八十九分之日百四十

下使外內闕狹岐使之然術家作純數家作數從時而見故言之者无常其實一也此一彼唯聖人能正之

也
以七十六乘之得積月九百四十積日二萬七千七

百五十九此一紀也以二十乘之得積歲千五百二十

積月萬八千八百積日五十五萬五千一百八十此一

部首此法三部有而一元一更置一紀以六十四乘之

得積日百七十七萬六千五百七十六元不與卦當歲

之數相得主之欲求其盡餘合之時故言更以又以六

十乘之得積部首百九十二得積紀三千八百四十紀

再言紀者又不用於所得積歲二十九萬一千八百四

十以三十二除之得九千一百二十周此謂卦當歲者

得積月三百六十萬九千六百月其十萬七千五百二十
十月者閏也即三百八十四爻除之得九千四百日之
二十周此謂爻當月者得積日萬六千五百九十九萬四千
五百六十八萬一千五百二十析除之得九千二百五
十二周此謂析當日者而易一大周律歷相得焉易一
大周
者數備
盡於世今入天元二百七十五萬九千二百八十歲昌
以西伯受命受洛書命
為天子也入戊午部二十九年伐崇侯作
靈臺改正朔布王號於天下受錄應河圖受命後五年
乃為改此者
孝經援神契所謂文王優游典部即上所紀者數不可
改改其名而應猶如也如前世聖主河圖言之其數應
也故孔子曰三萬一千九百二十歲錄圖受命易姓三十

二紀

本作四十二軌

德有七其三法天其四法地五王有三

十五半聖人君子消息卦純者為帝不純者為王六子

上不及帝下有過王故六子雖純不為乾坤

易姓三十萬三千

三萬一千九百二十歲中則乾率為七百六十此堯所為四十二者消息三十六六子在其數其三法天消息

中三乾也其四法地消息中四及六子之欲王有三十五消息六子也帝王始起河洛龍

馬皆察其首蛇亦然其首黑者人正其首白者地正其

首赤者天正謹其友生之甲乙丙丁戊己庚辛壬癸各

居應其國中以動靜逆順此天地神靈佐助之期吉凶

之應

天者即龍蛇見者非常故謂友友猶異也於農人為異知者為友各居其國者甲乙屬東於國各有

所主若甲為齊乙為東夷王者起於此國中動謂河洛之水靜謂陵陸之地以應動靜謂之龍蛇見於此為期

龍則用其卦日地則用其卦月動謂河洛水靜謂陵陸地各如其迹也順逆者順之皆君澤逆之皆擾亂也

亦反所生歲三百六十五日四分日之一以卦用事一

卦六爻爻一日凡六日初用事一日天王諸侯也二日

大夫也三日卿四日三公也五日辟六日宗廟爻辭善

則善凶則凶

辟天子也上既曰反見日之起者也所以於國矣又本察反所生發於卦用事六日

七分之中以知起者之事來諸侯受其吉凶一執事國者惟天子而已天子之吉凶皆倣此者也

之法陽得位以九七九七者四九四七者也陰得位以

六八六八者四六四八也陽失位三十六陰失位二十

四

四九為三十六四七為二十八合得六十四四六為二十四四八為三十二合得五十六此文王推爻為

一世凡七百二十歲歲軌是其居位年數也得位者兼豕變而巳有德者重也故軌七百二十歲子受

父母之位行父母之事年而謂之數然自勉於軌即位

不如父數即不勉於軌中厄此謂受命之君享國之時當其軌年之初其子

孫亦相承位六父之初位次數然有功德之繼體守文

君則厄於軌謂竟之其受命之君享國之時不當其軌

年之初其子孫承君值后不如父之數則有不能之政

則不厄於軌謂不得竟之此不能之下當復有不字既

脫耳中猶遭也不能之君遭厄則絕死不嗣也帝王享

年國其軌相承各有定年有德延期不若有德雖有然

至其元末時則有繼體守文之君雖并真軌猶自竟其

軌不能之君值厄則絕矣延期或絕作此王與之則

孔子曰洛書摘六辟曰建紀者歲也成姬倉有命在河

聖孔表雄德庶人受命握麟徵易歷曰陽紀天心建紀者謂

大易父六七八九之數此道成於文王聖也孔表雄著

漢當興以庶人之有仁德受命為天子此謂使以獲麟

為應易猶象也孔子以歷說易名曰象別序聖人題錄

也今易象四篇是紀古說假借字耳

興亡州土名號姓輔友符

言孔子將此應之亡殷者紂而作讖二十六卷

黑期火戊倉精授命女正昌効紀承餘以著當

火戊戊午部也

午爲火必言火戊者木精將王火爲之將相戊土也又當爲火子又火使其子爲已塞水是明倉精絕殷之象

宇或作之滅動効承餘以著所當文王所出云人八元者是也

孔子曰推卽位之術乾

坤三上中下坤變初六復曰正陽在下爲聖人故一聖

二庸三君子四庸五聖六庸七小人八君子九小人十

君子十一小人十二君子十三聖人十四庸人十五君

子十六庸人十七聖人十八庸人十九小人二十君子

二十一小人二十二君子二十三小人二十四君子二

十五聖人二十六庸人二十七君子二十八庸人二十

聖人三十庸人三十一小人三十二君子三十三小

人三十四君子三十五小人三十六君子三十七聖人

三十八庸人三十九君子四十小人四十一聖人四十

二庸人三已上者變乾坤之體三上極三從下起如是

之故錄圖受命易姓者二十六子坎離震巽艮兌以坎承而一終也六子之坤坎靈圖也孔子曰極至德之世不

過此乾三十二世消坤三十六世消乾坤之君德之至盛為其子孫相承

之世如此而已代聖人者仁繼之者庸人仁世淫庸世

數之已消也三十二君之率陽得正為聖人失正為庸人陰失正

艮為小人得正為君子今此之言似誤三十二君子又

無仁人此宜言小人上云繼聖人者庸言仁者是相發耳既其字非小辟字又易若代聖人者庸繼之者小人

相協其然乎小人之世淫二陰之精射三陽當卦自掃

二陰金水也三陽火土木其王也末也皆失其德陰則起大而強陽則柔劣而弱當各以所宜八卦之德掃更

正其知命守錄其可防鈎鈐解命圖興孔子曰正文以

候授明之出莫能雍

鈎鈐二星近防上將去疎濶為孔解之者過除禍之圖更興之也

子曰復十八世消以三六也臨十二世消以二六也泰

三十世消以二九二六也大壯二十四世消以二九一

五也夬三十二世消以三九一四也

皆以爻正為之世數也復反臨不以

一九數者復初九无據于正正數中自泰以上卦孔子數則壯矣坤靈圖云孔子以位三不正是謂興也

曰姤一世消无所據也遁一世消據不正也否十世消

以二五也觀二十世消以二五四六也剝十二世消以

二四也

復變數也更以爻位變相發始遁變一爻世二爻世陰少故也孔子軌以

七百六十為世軌者堯以甲子受天元為推術甲子為部起十

一月朔日每一部者七十六歲如是世積一千五百二十歲後復然則七十六歲之時十一月朔旦甲子堯既

以此為一陰一陽而中分推以為軌度也七往六來八往九來七為世軌者

文王推爻四乃術數易有四象文王用之焉往布六於北方以象水布八於東方以象木

布九於西方以象金布七於南方以象火如是備為一爻而正謂四營而成由是故生四八四九四七四六之

數爻倍之則每卦率得七百六十歲言往來者外陽內陰也孔子曰以爻正月為享

國數存六期者天子正月誤字當正云一軌國之法其術意如此乃終存六期者謂與符

厄所遭者言天子者不為四位之人也欲求水旱之厄以位八軌年數除

軌竿盡則厄所遭也甲乙為飢丙丁為旱戊己為中興

庚辛為兵壬癸為水卧筭為年立筭為日此術謂之意先置今所復

值軌卦消息君六天子之軌數乾也則七百六十八復也六百八十八坎則七百以作八軌年數除之者陽爻則除其十四陰爻則除五十六從初至上如是再如軌意矣每除識其數於側至於求時而土則厄之所遭耳竿者為軌餘年不足復除所識卧竿與立皆必除先入年數也今所求者主於日不用故分別之

軌年數水旱兵飢得矣

先入軌數前代值之軌除其入年數者七百二十歲四十二歲

者大周萬三百四十歲以除滅上九上九咸自處其餘一欲得除一帝卦者以次除之數有多少欲得除日求之如是乃救災度厄矣陽之法
言陽推法術之將有孔求厄而為之備也

子曰天之將降嘉瑞應河水清三日青四日青變為赤

赤變為黑黑變為黃各各三日河中水安井天乃清明

圖乃見見必南向仰天言

嘉善美也應者聖王為政治平之所致水色每變其

長一明時治平无相勝言之者乾為水為寒河圖將出故先清南之向天者龍也有者受而言謂乎興者也

見三日以三日見六日以六日見九日以九日見十二

日以十二日見十五日以十五日見皆言其餘日誤餘字也

當為陵之聖王聞河如天必下美德於已前齊往受焉

龍乃以圖受之其時不聞則不知往期龍則至陵而授焉

馬陵平地河水變日以備龍圖當以月三日時无受之

則后三日龍至陵當以一月六日龍見日无受之者則

后六日龍至陵自此為期驗故著之云

陵日皆言就者於陵受之時亦扶同

孔子曰帝德之

應洛水先溫九日後五日變為五色京黃天地之靜書

見矣負圖出午聖人坤主處置之氣洛水出焉后寒俱

龜畏人今而一見五日以五日見十日以十日見十五

日以十五日見二十日以二十日見二十五日以二十

五日見三十日以三十日亦謂洛水辛日以備而无受

之者龜六口見就龍陵而受

焉期之意與上同也孔子曰君子亦於靜若龍而无角河二日清

二日白二日赤二日黑二日黃

君子次聖德者又降嘉瑞應河水亦為變其日

從其應之與見於清靜若龍无角神虵也虵見水中用日也一日辰為法以

一辰二辰以三辰以四五辰以六七辰以八九辰以十

辰以十一辰以十二辰

已言河水為地將出而變變而

陵而受之君子之德不能不致於此期從不用日十二

為數者不累日也而當見而无受者以一日辰為法謂

用其明日期也辰當為期也一日十二辰為一丑辰而

无受者期日丑辰見虵亦見水中此有其期明驗也

夜不可見水中赤煌煌如火英圖書虵皆然也

英猶華也光龜

之見水中同耳於是水中

言之者二皆應且使也孔子曰復表日角表者人形也名復者初震爻也震之體在卯日出於陽又臨表龍

顏名臨者二爻而五體震震為龍應在六五六泰表載

干干楯也名泰者三爻也而體艮艮為山山為石體有

載於干以行體難之器云應在上六於人體俱須泰人之表

土也大壯表握訴龍角大辰艮卦至大壯而立體此

為手握訴者艮也井二則坎為水有脣詩云寘之

河之脣四名卦而震為龍故大壯人之表其象也

升骨履文名史者五立於辰在斗魁所指者又五於人

足其二猶艮爻於十次值本於析七耀之行起姤表

焉七者屬文北斗在骨足履文史人之表象明也

耳參漏足履王知多權垢初爻在巽巽為風風有聲而

聲八卦屬坎坎為水為孔穴象消卦其道五事曰聽

耳而三漏聽之至巽為股初爻最在下足象消卦其始

萬為明人君南面而治焉足行於其上姤人表覆王

是由然王人君最尊者萬又為火火者土寄位焉土數

五當如姤氣於其上故八兼更得性耳巽為進退又為

近利有知而以進退求利此謂之姤焉者陰氣之始故

制易訖鑒度

卷下

三

雅雨堂

因其逐表 遯表曰角連理 名遯者以离爻也离為日消

有角离南方之卦也五均南方為衡人之脊上曰衡衡

者□平地連理或謂連珠者其骨起衡之遯人表亦少

然詩舍神霧云四否表二好文 細或為之時名否卦

角主張熒惑司過也 否表二好文者三也在五體艮

之中艮為木多節否人之表二時象之與觀表出準虎

二艮卦體五坤坤為文故性亦好文也 觀表出準虎

名觀者亦在五艮之中而位上艮為山澤山通氣其於

人體則鼻也艮又門闕觀謂之闕準在鼻上而高顯觀

人表出之象艮為禽喙之屬而剥表重童明歷元 名剥

當兌之上兌為口虎唇又象焉 剥表重童明歷元者五

色也五离爻离為日童日子六五於辰又在卯卯酉屬

也剥离人表重焉五月卦體在艮終萬物始萬物莫盛

乎艮歷數以有終始剥人兼之姓自然表 此皆律歷運

象參差神實為之舞得縷耳所聞基也 此皆律歷運

期相一匡之神也欲所按合誠 生正月不三者此人心

洛書靈准聽曰氣五機七八合揭九爻結八九七十二

錄圖起氣五馬之五行機七十二里也二十八宿以

行九宮及位遊相語每宮如卦之日則參差矣八九相

以爲軌焉故初世者戲也姬通紀河圖龍出洛書龜

曰錄圖起之也初世也或勒伏

畫卦至通其始倉甄節五七

陰陽人言也始倉甄節五七

十五君位在文受文始甄紀數運不俗守錄以

相改七九度變命失寶俗猶從也順之世之君

錄也者將起代變滿七九合八名畢升漸喜六十

四精聖性象有錄弟以所變畢動動畢猶悉令也八八

天命者即悉喜於將升進也其性各有象謂君復表

謂君臣則不然三

日者提不者殆易物之慎命不在

於殆

正也此言卦也雖有錄圖所當王必待日旁有氣提之

者乃復可起也无此氣者且常止雖有錄圖第且勿順

天命在今春秋元命包曰青

并投者上契輔摘推失排紕者咸名紀所錯中與用材

毀直

作乃橫與錯者皆旁氣名投摘亡排紕蓋為反氣投天役力之屬摘亡微也排紕紕也伯者齊桓

晉文者距之若秦始皇者契輔推契而輔之也若夏大

康之昆弟直始毀者當任用賢才之臣毀者八風之時

所行之見異皆有云為下五行旋代出輔運相拒與更

用事終始相討期有從至有餘運有託除要有知衛合

接距相錯之言也或作拒訖除衛言命長短在改之也

孔子

曰至德之數先立木金水火土德合三百四歲五德備

凡一千五百二十歲大終復初其求金木水火土德日
名之法道一紀七十六歲因而四之爲三百四歲以一
歲三百六十五日四分乘之凡爲十一萬一千三十六
以甲爲法除之餘三十六以三十六甲子始數立立算
皆爲甲旁算亦爲甲以日次次之母算者乃木金火水
土德之日也德益三十六五德而止六日名甲子木德
主春春生三百四歲庚子金德主秋成收三百四歲丙
子火德主夏長三百四歲壬子水德主冬藏三百四歲
戊子土德主季夏致養三百四歲六子德四正四正子
午卯酉也而期四時凡一千五百二十歲終一紀五德

者所以立尊號論天弗志長久

六日名甲子謂五德竟至於六其口號名為甲

子故林德後是六甲子故弗誤字當作識古字與志同今時受作職者也孔子曰正按錄識

論國定符以春秋西狩題釗表命子亦握嬉帝之十二

當興平嗣出妃妾妾得亂

十世孝明字也

不勤竭承維表循符

當至者塞政在樞害時失命缺壽以符瑞伏代災七錄

握藉成年劉哀

當至寒林微之應閉不來也為政如此塞必在樞謂不用七政則害四時之氣

既元年命以當致瑞反代或為佐之也

期凶勅候脩身練缺郵專兌兌德

始克免延期

上以至深道之故以此言勸協掖之言聖人承天意也殷勤然練猶澤郵過也兌或

為說也

自然之識推引相拘沮思愈知命不或世帝思圖

也夫天道三微而成一著三著而體成

三微而成一著自冬至至正月

中為泰卦三著成體則四月為乾卦以三微一著之義
則與三著成體不協蓋寫之誤也原經之義三而成一
著一爻也三著成體乃泰卦也是則十日為微一月為
著矣十有八變而成卦之數恐未盡注義故不改隨上
六拘繫之乃從維之言六二欲凡五拘之推六既為政
應又非其事六二蓋亦當二六先師不改故亦不改主
成之卦注以為泰否之卦宜貞戌亥蓋據屯蒙推之也
為其圖亦以為貞戌酉按注則達圖按圖進經則失圖
避而按圖位无同時又何避焉不合一位陰陽退一辰相
違失義不合二也否泰不比及月不合三也經曰乾
貞於子坤貞於未乾坤陰陽之主也陰退一辰故貞於
屯蒙為法也泰否言獨各貞於辰中孚小過次是也日
未至於屯蒙則各貞其日言歲終則各從卦言法乾坤
蓋諸異者否泰於卦位屬為衡法宜相避故言獨貞辰
也北辰共者否貞申右行則三陰在西三陽在北泰貞
寅左行則三陽在東三陰在南是則陰陽相北共復乾
坤之體也中孚貞於十一月子小過正月之卦也宜貞
於母三月卯而貞於六月非其次故言象法乾坤具餘
衆卦則自貞於其同位仍相避可知也謹撰所聞其餘
周易乞登美

之問君子爲耽贅而非
其餘君子庸人求乎免

周易乾鑿度卷下

